



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KT 0025076 24
Sarajevo, 12.01.2026.godine

SUD BOSNE I HERCEGOVINE
- Sudiji za prethodno saslušanje –
SARAJEVO

Na osnovu člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine, p o d i ž e m

OPTUŽNICU

PROTIV:

- 1. ZAIM ESKIJA**, rođen 1978.godine u Sarajevu, državljanin BiH,
- 2. SALIH KURGAŠ**, rođen 1984.godine u Bijelom Polju, Crna Gora, državljanin BiH.

Što su:

Dana 30.01.2024.godine, oko 02,10 sati u mjestu Dolina, na lokalnoj cesti Greda-Dolina, Grad Gradiška, u neposrednoj blizini granice BiH i RH, sigurnosni sektor A5, u namjeri sticanja protupravne imovinske koristi, prethodno na njima poznatoj lokaciji izvršili preuzimanje i prihvata dvanaest migranata među kojima su bili državljani Bangladeša, Indije i Afganistana koje su smjestili u dva vozila, s ciljem da ih dovezu do pogodnog mjesta u blizini granice BiH i RH gdje bi im omogućili da nedozvoljeno prijeđu granicu, sve u dogovoru sa njima poznatim osobama, gdje bi prevožena lica bila predana njima poznatoj osobi krijumčaru koji bi ih ilegalno prebacio na teritorij RH preko rijeke Save gumenim čamcem, postupajući tako suprotno članu 6. Protokola protiv krijumčarenja migranata kopnenim, morskim i vazдушnim putem kojim se dopunjuje Konvencija UN protiv transnacionalnog organizovanog kriminala („Službeni glasnik BiH“, broj: 3/02), protivno članu 7. stav 2. Zakona o graničnoj kontroli („Sl.glasnik BiH“, broj: 53/09, 54/10 i 47/14), kao i članovima 8., 15. i 16. Zakona o strancima („Službeni glasnik BiH“, broj: 88/15, 34/21, 63/23), znajući da navedena lica ne mogu zakonito prijeći granicu, niti posjeduju putne isprave, pa su u dva vozila kojim su upravljali Eskiya Zaim i Salih Kurgaš dovezli ukupno dvanaest migranata, među kojima su bili i „(...)“, „(...)“, „(...)“, i „(...)“, u neposrednu blizinu granice BiH i RH u mjesto Dolina, u blizinu mjesta gdje su navedena lica

trebala izaći iz vozila i ukrcati se na čamac preko rijeke Save, sigurnosnom sektoru A5, nakon čega su Eskija Zaim i Salih Kurgaš zaustavljeni i spriječeni u pokušaju nedozvoljenog prevođenja prevoženih lica preko državne granice u RH od strane policijskih službenika Granične policije BiH, JGP Gradiška.

Dakle, u namjeri pribavljanja za sebe imovinske koristi nedozvoljeno pokušali prevesti više lica preko državne granice,

Čime su počinili krivično djelo Krijumčarenje ljudi iz člana 189. stav 1. KZ BiH u vezi sa članom 26. i 29. istog Zakona.

T U Ž I L A C
TUŽILAŠTVA/TUŽITELJSTVA BiH